



## Kim Kielsens nytårstale

**Taler**

Kim Kielsen  
Formand for Grønlands  
Landsstyre

**Dato**

1. januar 2021

**Omrstændigheder**

Kim Kielsens nytårstale for Grønlands landsstyre ved årsskiftet 2020/2021. Talen holdes på Grønlandsk, men offentliggøres i en dansk version på Landsstyrets hjemmeside.

1 Asasakka innuttaaqatikka,

Ukioq 2020 naavoq. Neriuppunga juulli nuannersumik atorsimassagisi, peqqillusilu ukiumut nutaamut iserluarsimassasusi.

5

Ukioq qaangigarput ukiuovoq allanit allaanerulluinnartoq. Ukioq 2020 unammilligassaqarsimaqaaq siornatigut misilittagarinngisagut nualluussuup COVID-19-ip pilersitai aqquaaratsigit.

10 Nualluussuaq siammatsaaliorniarlugu assigiinngitsutigut sukaterisariaqartarsimavugut. Inuttut ataasiakkaatut, ilaqtariittut aammalu nunaqqatigiittut inuunerput allatut atortariaqarsimavarput, ilaatigut qanitagut najorsinnaasarsimanagit. Timersortartut unammiuaarsinnaanerat killersorneqartariaqarsimalluni.

15

Tamakkua killilersuutit allaqqussiinnaasimanngilagut, taamaattumillu tamassinnut qujassuteqarusuppunga. Qujarusuppunga paasinnilluarlusi nualluussuup siammatsaaliorneranut akisussaaqataallusi ikiuukkassi. Neriutigeqaara inuiaqatigiittut ikioqatigiinnerput ukiumi nutaami nangissagipput, nualluussuup nunatsinni siaruaatinnginnissaa anguniarlugu.

Piffissaq manna iluatsillugu nualluussuup akiorneqarnerani toqqaannartumik suleqataasimasut tamaasa qamannga pisumik qujaffigerusuppakka.

25

Ukumi nutaami nunarsuarmioqatigiet tamatta neriutigaarpot akiuussutissamik innuttaasut tamarmik neqeroorfingineqarsinnaassasut.

Kissaatigaara nualluussuup atuunnerani ataatsimoorneq takutitarsi  
30 nualluussuup qaangiunnerani attatiinnarumaaripput, siulitta imminnut  
ikioqatigiittarnerisa anersaavanik takutitsilluinnartuummat.

Inuiaqatigiinni Ilagiit pingaarutilerujussuupput, ukioq 2020-ip naajartornerani  
nunatsinni Ilagiit nutaamik siuttoqalerpugut. Ukiorpssuarni Ilagiinni  
35 siuttuulluni nunatsinni biskop-iusimasoq sulilluarsimanera pillugu  
qutsavigaarpot, taamatullu nutaatut Ilagiinni siuttunngortoq, sulilluarnissaanik  
kissaallugu tikilluaqqullugu.

Ukiup ingerlanerani ilatsinniit qimagaasimavugut. Annaasaqarsimasut  
40 ilaquaasut qanigisaasullu qamannga pisumik misiginneqatingaarpassi,  
neriuutigaaralu inuunermi nuannersut kingumut eqqaallugit tuppallersaatitut  
atorsinnaajumaari.

Ukioq 2021-mi ullut sungiusimasatta uteqqinnissaat neriuuteqarfivakka.  
45 Ukiuni kingullerni arlaqartuni nunatta aningaasarsiornera siuariartorsimaqaaq.  
Ukioq 2020 aningaasarsionikkut unikaallaffiusimagaluartoq,  
ningaasaqarnikkut inissismalluarnitta ingerlaannarsinnaanerput qulakkeerpa.

50 Nunatsinni inerartornermut aningasaqarluarnitsinnullu kivitseqataasimasut  
tamaasa qujaffigerusuppakka. Minnerunngitsumik aalisartut  
inuutissarsiutinillu allanik ingerlataqartut, aningasaqarnitta patajaatsumik  
inissisimanceranut kivitseqataanerat qujassutigerusuppara.

55 Naalakkersuisuniit pingaarnertut angorusussimavarput nunatsinni inuiaqatigii  
atugarissaarnerunissaat. Taamaattumik ukiuni kingullerni suliffissaaleqineq  
annertuumik qaangerniarlugu suliniutit ingerlanneqarput.

60 Ilinniartitaaneq, piginnaanngorsarneq aammalu inuutissarsiutit inerisarnissaat  
aallunneqarput.

Suliffeqarfeeqqanik nutaanik isumassarsiallu nutaat piviusunngorsinnaanerinut  
perfiarfissat annertusarsimavagut. Minnerunngitsumillu akit  
assigiilerteqqinnerisa kingunerisimavaat inoqarfinttamani inerartornermut  
65 perfiarfissat annertusineri.

Nunatsinni sanaartukkanut inuussutissarsiornermullu aningaasaliinerit  
ingerlanneqarsimapput aammalu napparsimasut atugaannut  
70 pitsaanerulersitsisussamik, minnerunngitsummillu inuiaqatigiit  
nammassinnaasaannik tunngavissat suliarisimallutigit.

Suut tamaasa eqqarsaatigalugit nunatsinni anigaasarsiornikkut  
siuariartornerput paarilluassavarput, sapangissanngilarput.

75

\*

Nuannaarutigaara takusinnaasimagakku nunatsinni pinngortitap kusanaqisup  
innuttaminit aasaq manna misigisassarsiorfigineqarlunilu atorluarneqara,  
80 nunatsinnilu takornarialerisut nalaataannut imaannanngitsumut  
iluaqsiilluartumik.

Naalakkersuisuniillu siunniupparput nunatsinni sulinngiffeqarnerup  
oqinnerusumik atorneqasinnaanissaata aqqutissiunnissaa.

85

Naalakkersuisuniit nunatsinni takornariaqarnerup siumut aallaqqinnissaa  
anguniarlugu, 2021-ip ingerlanerni susassaqartut peqatigalugit  
takornariartitsinermut periusissiamik nutaamik pissutsit attuuttut  
aallaavigalugit, siumut isigisumik pilersitsissapput. Taamaaliornikkut  
90 takornariaqarnermi inuutissarsiuqeartut 2020-mi nalaassimasaat pilertortumik  
qaangerneqarsinnaanissaat aqqutissiukkumallugu.

Inuutissarsiutinik nutaanik aammalu takornariartitsinerup inerisaqqinnissaa  
Naalakkersuisuniit pingaaartipparput. Ukiuni kingullerni suliffissaaleqineq  
95 affaannanngorsimavoq, taamaattumillu nutaaliornissamut  
alloriartoqarsinnaanngorluni.

Aalisarneq nunatta aningaasarsiornerani qitiulluinnarpoq. Aalisarneq  
ingerlalluartoq nunatsinnut napatittisuuvvoq, taammaattorli aningaasarsiornitta  
100 siammasinnerusumik tunngaveqarnissaa sulissutigaarp. Aalisarnerup  
takornariaqarnerullu saniatigut aatsitassarsiorneq nunatta anigaasaqarneranut  
tapertaarnera annertusiartorpoq. Ukumi qaangiuttumi aatsitassanik  
piiaanissamut akuersissutit marluk nutaat tunniunneqarput. Akuersissutit  
takutippaat nunarsuaq tamakkerlugu aningaasarsiorneq unikaallaqqagaluartoq

nunatta pisuussutai soqutigilluarneqartut.

2015-imiit aningaasanik illuartitsinikkut, Nuummi Ilulissanilu mittarfissuassat sanaartornissaat periarfissaalersimavoq, sanaartornerlu ingerlallualereerluni.

110

Mittarfissuarnik sanaartorneq annertuumik sulisunik atuiffiuvvoq, aammalu siunissami suliffiulersussanik malitseqalereerluni. Akunnittarfissanik nutaanik sanaartorneq aallartereeroq, inuutissarsiutinillu ingerlataqartut periarfissanik ujartuillutik pilersaarusrusiorlutik aallartereeroput.

115

Nuannerpoq takullugu illoqarfinni taakkunani eqqaanilu periarfissarititaalersussat nutaat atorluarneqarneri, nunatsinnilu ineriartortitseqataanissamut inuit kajumissusermik peqarluartut.

120

Nunarput tamaat inerisarneqartussaavoq. Tullinnguupporlu kujataani – Qaqortumi mittarfissualiornissap piviusunngortinnissaa. Suliumannittussarsiussineq ingerlavooq, Naalakkersuisuniillu naatsorsuutigaarput 2021-mi aasartinnagu sanaartornissaq aallartinneqassasoq.

125

Kalaallit Nunaata kujataani ineriartorneq siuariassappat, Qaqortumi mittarfissualiortoqarnissaa avaqqunneqarsinnaanngilaq.

Tamatuma saniatigut nunatsinni silaannakkut angallannerup ataqtigiissumik, eqaannerusumik, ullumikkumullu naleqqunnerusumik,

130

ineriartortittuarnissaanut alloriarnissaq tulleq Naalakkersuisut Inatsiartunut ukiarmi saqqummiutereerpaat.

Inatsisartut ukiaanerani ataatsimiinnerminni Uummannami, Qeqertarsuami, Qasigiannguani, Kangaatsiami, Narsami, Nanortalimmi, Tasiilami

135

Ittoqqortoormiunilu mittarfiliortoqarnissaanut, tulleriaarinerullu qanoq isikkoqarnissaa oqaluuseraat, tassanilu tunngaviusumik sanaartortoqarnissaa ilalerneqarluni.

Naalakkersuisuniit siunniunneqarpoq Qeqertarsuaq, Nanortalik, Tasiilaq,

140

Iolloqqortoormiullu siulliunneqarnissaat, pilersaarusrusiornerillu piaartumik aallartinneqarnissaat. Suliassarpullu qilanaaraarput.

\*

Ukiuni kingullerni suliffeqarfutigut ingerlalluuarsimaqaat annertuumillu inerisaaffiusimallutik. Royal Greenland A/S kilisaatini nutaarsuarnik taarsersuleruttorpai, nunarsuatsinni nutaalialanerpaanik imartatsinnullu tulluarsakkanik peqalersussaallutik.

Aalisarnermik inuutissarsiutip patajaatsumik ingerlanneqarsinnaaneranut tunngavisseeqataasoq Pinngortitaleriffik nutaamik misissutissaminik umiarsuartaalerpoq. Tamaalilluni inuutissarsiutitta pingaanersaata inisisimanera suli nukittunerulissaq.

Tele Greenland A/S ukiuni sisamani kingullerni attaveqaatit annertuumik anigaasartuutaasumik nutarterlugillu inerisartuarsimavai, tamanut iluaquataasumik.

Air Greenland A/S nammineerluta pigilersimasarput, ukioq kingulliup ingerlanerani annertuumik eqqorneqarluarluni siunissamut pilersaarutini nalimmassarlugit ingerlappai.

Ukiumi qaangiuttumi kiffartuussinissamut isumaqtigiissutit ukiunut qulinut sivitsorneqarnissaannut maanna kiffartuussinissamik isumaqtigiissuteqartunut Naalakkersuisut isumaqtigiissuteqarput.

Isumaqtigiissutit sivitsornerisigut maanna kiffartuussinissamut isumaqtigiissuteqarfigineqartut, nunatsinni angallannerup pitsangorsarnissaanut, pigisamik nutarterneqarnissaannut aammalu piffissamut ungasinnerusumut pilersaarusiornissamut periarfissaqalerput.

Sivitsuinerullu iluaquitissartai takussutissaqalereerput.

Air Greenlandi, - danskillu issittumi illersornissaqarfiat, upalungaarsimaneq pillugu suleqtigiinnissamut isumaqtigiissummik nutaamik, ukiunut aqqaneq-marlunnut atuuttussamik, isumaqtigiissuteqarput ullumikkut januaarip aallaqqaataani atuutilersumik.

Isumaqtigiissutit taakku malitsigisaanik qulimiguulinnik pingasunik nutaanik ujaasinermi annaassiniarnermilu atorneqartussanik, Air Greenland pisaassaaq, taakkunani lu marluk tikereerlutik. Saniatigullu inoqarfinnut mikinerusunut

qulimiguullit nutaat tallimat inunniq assartuinissamut atugassat  
185 pigineqalissallutik. Taakkunani siulleq upernaamut tikittussaalluni, saniatigut  
imarpik qulaallugu timmisartorsuarmik Air Greenlandip pisinissaanut  
isumaqatigiissut atsiorneqareerluni.

Ukioq 2020 Royal Arctic Line-imut aamma alloriarnernik misigiffiuvoq.  
190 Nunatsinnut umiarsuaq assartuut nutaaq angisooq tikippoq aammalu  
imaatigut assartuinermi Eimskippimik suleqateqalernissaq sivitsortumik  
utaqqineqarsimasoq kiisami atuutilerpoq. Qularutigingngilaralu suleqatigiinneq  
siunissami nassiusanik assartuinermut akit apparnerannik malitseqarumaartoq  
aqquillu nutaat nunatta avataanut niuerterup ineriertorteqqinnissaanut  
195 periarfissanik nutaanik pilersitsiumaartut.

Soorluttaaq ukiumi qaangiuttumi, nunatta kangianut umiarsuarmik  
aalajangersimasumik assartuisussamik Royal Artic Line pisaarpoq, tappavunga  
akulikinnerusumik umiarsuaqartalerneranik malitseqartumik.  
200

Ukioq 2020-mi nunaqarfinnut pajuttaatit marluk nutaat pisaarineqarput,  
ukiorlu 2021-mi nunaqarfinnut pajuttaatit nutaat pingasut tikittussaassallutik.

Suliffeqarfiutigut ukiuni kingullermi annertuumik inerisarsimapput. Taakkulu  
205 suliffissanik nutaanik pilersitsimapput. Minnerunngitsumillu ineriertornerisa  
malitsigaat, nunarsuarmioqatigiinnut unammillersinnaassuseqarnerup  
annertusinera.

\*

210 Nunatsinni suliffissaaleqineq akiorniarlugu Naalakkersuisut suliffeqarnermut  
periusissiaat 2015-imeersoq, inerisaqqillugu periusissiaq nutaaq 2021-miit  
2023-mut atuuttussaq maanna atuutilerpoq. 2015-imiit ingerlanneqartut  
kingunerivaat suliffissaaleqinerup affaannanngortinnera, taamaattumillu  
215 ingerlariaqqinnissami iliuusissatut anguniakkat pingarnerit makkuupput:

Siullertut, inuussutissarsiorfinnik amerlanerusunik aningaasarsiornikkut  
siuariartortitsisussanik suliffissanillu pilersitsisussanik inerisaasoqassaaq.  
220 Aappaattut, inuusuttut suliffissaaleqinerat millisarneqassaaq.  
Pingajuaattut, suliffissaqartitsinissamut iliuutsit aqqtigalugit nuna

tamakkerlugu suliffeqarneq annertusarneqassaaq sulisullu suliffeqarfinnut tulluunnerusunut sulilersinneqartarnissaat qulakkeerniarneqassaaq.

225

Naalakkersuisut siulittaasuattut pingaartilluinnarpala, inuusuttatta ilinniakkamik aallartitsinngikkunik suliffeqarfinni sulilernissaat.

230

Minnerunngitsumik angajoqqaat aningaasarsiorfissanik amerlanerusunik periafissaqartinnerisigut meerartaminut pilersuinissaminut nukissaqarnerulernissaat.

235

Ukiuni kingullerni suliffeqarfinnik aallartisaaniartunut inatsisit nalimmassarneqarnikuupput. Tamakku malitsigaat suliffeqarfinnik aallartisaasut, suliffisanik nutaanik pilersitsisut arlaqalernikuummata. Taakkulu ineriarisartuarnissaat pingaaruteqarpoq.

\*

240

Innuttaasut peqqissuunissaannut pilersaarut Inuuneritta III saqqummiuteqqammerparput. Pileraarut 2020-mit 2030-mut ingerlasussami qulakkeerniarneqarpoq meerartatta nunatsinni sumiiffinni tamani toqqisisimassumik peroriartornissaat.

245

Pileraarusiap kommunit aammalu najukkani tamani susassaqartut peqatigalugit inersisarneqassaaq. Pingarnerpaatut aallaviussaaq inoqarfinni tamani nukittuffit aallaaviginissaat, taamatullu innuttaasut tamarmik akuutinnissaat.

250

\*

255

Kalaallit qallunaallu oqartussaasuisa nunatsinni meeqqat inuusuttullu atugarisiaasa pitsanngorsarnissaannut suleqatigiinnerat aallartissimalerutterpoq, 2023-illu tungaanut ingerlassalluni. Ukiuni tulliuttuni suliniutit arlallit piviusunngortissavagut, meerartatta inuusuttattalu inuunerissaarnerulernissaannut peqqissumillu ineriatornissaannut aqqutissiuussisussat.

260

Suleqatigiinneq aallarnerlugu ukiarmi kommunit sulinerisa nukittorsarneqarnerat ingerlanneqarpoq, meeqqat inuusuttullu

pisariaqartitsisut pilertortumik ikiorserneqarsinnaanngorlugit.

Ajoraluartumik meerartatta ilai suli toqqissillutik angerlarsimaffeqannngillat.

265 Taamaattumik angajoqqaat meqqaminnut akisussaffeqarneranni  
ikorfartorneqarsinnaanissaat minngerunngitsumillu meeqqaat  
toqqissimasumik peroriartornissaat qulakkeerniarlugu suliat  
ingerlatiinnarneqassapput.

270 Suliat ineriartornerini takussutissat ilagaat, meeqqanut inuusuttunullu 18-init  
inorlugit ukiullit ikiorniarlugin, kommunini tamani ornittakkanik  
pilersitsisoqaranera. Taamaalilluni angerlarsimaffimminni  
ajornartorsiortoqartillugu, meeqqat toqqissimasumik ornittagassaqalersillugit.

275 Ornittakkami meeqqat inuusuttullu isumassorneqarnissaannik periarfissiissaq.  
Pingarnertulli Inuuneritta III-mi siunertarineqartut ataavaartumik  
aallunneqarsinnaanissaat qulakkeerneqassalluni tassaasorlu: Meeqqat  
toqqisisimasumik peroriartornissaanut aqqutissiuissineq.

280 \*

Nunatta oqaluttuarisaanerani aqquaakkatta ilaat  
imaanngaanngitsuusimapput.

285 Aqquaarsimasatta ilagaat kalaallit meerartai 22-it sorlaqarfiannit, ilaquaannit,  
kulturiannit, oqaatsinillu ilitsoqqussaannit peersillugit nunatsinni  
ilinniartitaarnermut qallunaanngorsagaanermullu siuttuulernissaannut,  
misiliutitut Qallunaat Nunaannut 1951-imni aallartitaanerat.

290 Ukiut 70-igajaat matuma siorna pisimasoq alianartoq taamanikkut  
meeraasunut, kingunerluuteqarsimaqaaq. Pisimasup qulaajarneqarnerata  
malitsigisaanik danskit statsministeriat Mette Frederiksen, Naalagaaffik  
sinnerlugu utoqqatserpoq.

295 Naalakkersuisuniit statsminister-ip utoqqatsernera pissusissamisoortutut  
isigaarpuit ilalerlugulu.

Naalakkersuisut siulittaasuattut innuttaasutullu nunatta oqaluttuarisaanerani  
pisup mamianartup iliuuseqarfiginissaanut aqqut ukiorpassuarni  
malinnaavigisimavara. Maannalu utoqqatsertoqareernerata kingorna pineqartut

ajunnginnerpaamik inuunerminnilu pitsasumik ingerlariaqqinnissaannik qamannga pisumik kissaappakka.

\*

305

Utoqqartatta pitsasumik pingartinneqartutullu misigalutik akornatsinni inooqataanissaat Naalakkersuisut ukiuni kingullerni suliniutigisimavaat.

310 Utoqqaat amerlapput piginnaaneqarluarlutillu nukissaqarluartut. Taakkualu piginnaaneri, ilisimasaat nukiillu inuiaqatigiinni annertuumik pisaqartippagut. Taamaattumik Naalakkersuisuniit utoqqaat pisinnaasut sulerusuttullu isertitaqarsinnaanerannut periafissaat annertusarsimavagut. Tamannali uniffiugiinnarnagu ukiunut qulinut tulliuttunut utoqqarnut politikkissaq pilersaarusiuleruttorparput. Pilerausiorneq utoqqaat oqaaseqartartuat, 315 kommunit utoqqaallu kattuffiat qanimut suleqatigalugit inerisarneqartuassaaq.

\*

320 Ukiuni kingullerni ilinniartitaanerup annertuumik sammineqarneranut Naalakkersuisuniit ilaasimavoq siammasissumik, aammalu isiginnaarutit atorlugit najugarisaq qimanngikkaluarlugu atuarlunilu ilinniarsinnaanerup annertusarnissaa

325 Coronallu ajornartoortitsinerata nalaani annertuumik misilittagaqarfifilikkatta ilagivaat ungasianiit atuartitsinerit ingerlarsinnaanerat. Ukiut siuliini piareersaataasimasut annertuumik iluaqutigalugit misilittarneqarput.

330 Pissusissamisoortutut isigaara maannamut misilittagarineqalersut ineriertorteqqinnerisigut, ilinniakkat assigiinnngitsut nunatsinni sumiluunniit najugaqaraluaraanni ingerlanneqarsinnaalernissaannut periarfissanik annertusaanissaq. Ullumikkummi nunatsinni inoqarfiiit 90%-ii sinnerlugit, pitsasumik attaveqaateqarput, Tele Greenland A/S -ip sakkortusaaviit, immap naqqanilu kabeli ukiuni kingullerni inerisartuarmagit. Misilittakkallu nutaat 335 ilinniutigalugit internetsip periarfissarititai atorluarnerisigut, nunatsinni ilinniagaqassutsip qaffassarnissaanut nutaamik eqqarsarnikkut inerisaqqinnissarput.

Ukioq qaangiuttoq nunatta nunanut allanut tunngasunut suliaani angusaqarfiulluarpoq. Pituffimmut siunissami isumaqatigiissusiorssinnaaneq nammineq nunatut qulakkeerneqarpoq. Tassanilu Danmark-imut

345 suleqateqarnerup naligittullu inissikkiartuaarnera ersiutaalluni

Tamatsinnut pingaaruteqarsimavoq amerikarmiut nunatsinniinnerat siammasissumik inuiaqatigiinnut ilinniartitaanikkut, suliffeqarnikkut aningaasarsiornikkullu isumaqatigiissutip iluaqtaanissa.

350

Taamaalilluni ukiut arfinillit inulaarlugit ingerlareersullu Pituffimmi kiffartuussinissamut isumaqatigiissutip amerikkarmiut suliffeqarfiutaannut tunniunneqareersorlu iluarsiissutissamik isumaqatigiissusiorstoqarpoq.

355

Ukiuni kingullerni Kalaallit Nunaata sinniisoqarfegarnera inerisarsimavarput, kingullermik Island-imi 2018-imi sinniisoqarfimmik ammaavugut. Kalaallit Nunaata nunani allani suliniutai annertusarnissat nangillugu 2021-mi Asiap Kangiani sinniisoqarfimmik pilersitsisoqassaaq.

360

Asiap Kangiani nunatta sinniisoqarfegalerteratigut toqqaannartumik Asiap Kangiani oqartussanik suliffeqarfennillu oqaloqateqarsinnaalernissap periarfissaalernissaa pisariaqarluinnartutut Naalakkersuisut isigaat. Taamattumillu nunatta Asiamut nioqquteqartarnerata annertusarnissaa aallartitaqarfiup pingarnertut isumagissavaa.

365

\*

Ukioq 2021 nalliuttorsiorfiusussaavoq. Hans Egedep tikinneranit ukiut 300-inngussapput aammalu kunngikkormiut nunatsinnut tikeraaqqaarnerannit ukiut 100-unngussallutik. Taamaammat ataqqinartorsuup Dronning Margrethe II, tikeraarnissaa piareersarneqarpoq.

Qularutiginngilara ukioq nutaaq 2021 sorpassuartigut nunatsinnut angusaqarfiulluarumaartoq.

375

Toqqammaivit anigaasarsiorfissat ilinniarfissat, suliffissallu inatsisitigut ukiuni kingullerni pilersippagut. Tullinnguupporlu periarfissat atorluarnissaat –

tassani inuk nammineq atorluaanissaminut akisussaassaaq. Periarfissat  
380 tamatsinnut ammapput. Atorluartigit!

Angusimasat aammalu ingerlavigilikat Kalaallit Nunaata  
namminilivinnissaanut aqqutissiuussipput.

385 Namminiilernissatsinnut nukiit tunngavissat tassaapput:

Innuttaasut minnerunngitsumillu inuuusuttortagut.

390 Taamaattumillu pisarnittut naggiullugu inuuusuttortagut  
kajumissaarumavakka.

Periarfissat isaanneqartut atorluaqqullugit.

Anguniagaqaritsi !

395 Aporfeqarpat – uniffigiinnarnagit ilinniarfigisigit  
nukkassaatigisigit.

400 Inuaat ikittunnguuusugut isumalluutigaatsigit.

Kivissiuk nunarput – siuligut qajavissuit maani nunami, najugaqarnissatsinnik  
toqqammaviliisut, uatsinnut tunniussaat, nangittumik, kinguaassatsinnut,  
nunatut nammineertutut, isaassinnaanngorlugu.

405 Tamattami maani, kingoqqisuuusugut, qajavissuit kinguaarivaatigut  
Pissaanerallu, taqqatsinni tillerpoq.

410 Uagununa Nunarput – pisussaaffigaarput, siuarsartuassallugu !

Akisussaaffik, tigusiuk ! Nunarput siuarsarsiuk.

Taamatut oqarlunga Naalakkersuisut inuaqatigiillu sinnerlugit ukiortaami  
415 Ataqqinartorsuaq Dronningi taassumalu Ilaqtai Kunngikkormiut  
pilluaqquakka. Aammattaaq pilluaqquakka danskit Folketingiat

naalakkersuisuili, savalimmiormiut Lagtingiat naalakkersuisuili, kiisalu inuiaat danskit savalimmiormiullu tamaasa.

420

Ukiortaami pilluarits!

Guutip nunarput sernigiliuk.

425

**Kilde**

[www.naalakkersuisut.gl](http://www.naalakkersuisut.gl)

**Kildetype**

Dokumentation på online medie

430

**Tags**

Nytårstale, Udvalgte nytårstaler fra Landsstyreformanden

**URI**

<https://www.dansketaler.dk/tale/kim-kielsens-nytaarstale-2021>

435

440

445

450

455